



ITANGAZO RIGENEWE ABANYAMAKURU

Ubuyobozi bw'Ikigo cy'Ighugu gishinzwe Imikurire no Kurengera Umwana (NCD) ku bufatanye n'ubw'Urwego rw'Abanyamakuru bigenzura mu Rwanda (RMC) buributsa abanyamakuru by'umwihariko abakoresha imbuga nkoranyambaga harimo n'urubuga rwa "YouTube" nk'Itangazamakuru kubahiriza amahame agenga umwuga w'itangazamakuru igihe batangaza inkuru zerekeye abana cyane cyane izivuga ku bana bakorewe iohohoterwa rishingiye ku gitsina.

Ingingo ya 8 y'amahame ngengamyitwarire y'umwuga w'itangazamakuru mu Rwanda isaba umunyamakuru gushishoza no kwigengesera igihe atunganya inkuru irebana n'ihohoterwa rishingiye ku gitsina n'abana bataruzuza imyaka 18 y'amavuko. Iyi ngingo, ivuga ko umunyamakuru agomba kwirinda kugaragaza amazina y'uwahohotewe, akigengesera kugaragaza amashusho n'amafoto ye cyangwa gutanga ibindi bisobanuro bishobora gutuma amenyekana.

Nyamara bimaze kugaragara ko bamwe mu banyamakuru cyane cyane abakorera ku muyoboro wa "YouTube" birengagiza aya mahame maze bagashyira mu kaga ubuzima bw'abana bahohotewe bakagaragaza amashusho n'imyirondoro yabo, bamwe bakanababaza ibibazo bibatesha agaciro. Ni muri urwo rwego ubuyobozi bwa NCD bufatanyije n'ubwa RMC bwibutsa abanyamakuru kuzirikana no kubahiriza amahame ngengamyitwarire y'umwuga w'itangazamakuru mu Rwanda.

Turashima kandi tuzirikana uruhare rw'Itangazamakuru mu kurwanya iohohoterwa rikorerwa abana, ariko na none ni byiza ko abanyamakuru bazirikana ko gutangaza amashusho n'umwirondo by'umwana wasambanyijwe bimugiraho ingaruka zikomeye mu buzima bwe zirimo kuba yahungabana, kugira ipfunwe cyangwa agahinda gakabije (depression). Bishobora kandi gutuma uwamuuhohoteye amugirira nabi kuko aba yabonye ko yavuze ibyo yakorewe

Ku bindi bisobanuro mwavugana na:

- Madamu Diane Iradukunda, umukozi ushinzwe kurinda no kurengera umwana muri NCD kuri Telephone +250788253920 cyangwa mukatwandikira kuri Email:info@ncda.gov.rw
- Madamu Ndayikunda Lydia Umunyamategeko muri RMC kuri telefone (+250)0788599679 cyangwa mukandika Email mukayohereza kuri: rwandarmc@gmail.com

Kigali, tariki ya 2 Kanama 2021



Digitally signed
by NCD(acting
director general)
Date: 2021.08.02
12:56:59 +02'00'

Gilbert MUNYEMANA

Umuyobozi Mukuru w'Agateganyo
w'Ikigo cy'Ighugu Gishinzwe
Imikurire no Kurengera Umwana



Emmanuel MUGISHA

Umunyamabanga Nshingwabikorwa
w'Urwego rw'Abanyamakuru bigenzura